

# H

**h** Vuchena letra de l'alfabet (acha), que s'emplega en occitan dins lu digrafes *ch*, *lh*, *nh*. S'emplega finda en gascon à l'inciala d'un mòt en plaça de *f*: *hèsta* per *fèsta*, *hilha* per *filha*... Ma, en occitan escrich, la **h** s'emplega per d'uni expressions ò per d'unu noms dei autri lengas que non si poàdon occitanisar arbitràriament.

**H** Simbòle de l'idrogène.

**H** Simbòle dau henry.

**ha** Simbòle de l'ectar.

**Ha** Simbòle dau hahni.

**habanera** n.f. (mòt esp.) Dança d'origina cubana, dau ritme binari e sincopat. Var.: **avanera**.

**hacienda** n.f. (mòt esp.) Granda propietat fonsiera, en Amèrica latina.

**haddock** n.m. Aglefin fumat.

**hahni** n.m. Element quimic artificial (Ha), de numèro atomic 105 e que lo sieu isotòpe de massa 260 es estat obtengut ai Estats-Units en lo 1970.

**haïtian, a** adj. e n. D'Haïtí. Var.: **aïcian**, **aïtian**.

**hamburger** n.m. (angl.) Amborgés, ambörguer.

**hannoverian, a** adj. e n. D'Hannover.

**Hansen** *Bacille de Hansen*: Bacille responsable de la lepra.

**hara-kiri** n.m. Mòde de suicide particulier au Japon, que consistisse à si durbir lo ventre: *Si faire hara-kiri*. Sin.: **seppuku** (preferible en japonés). ◇ (fam. fig.) *Si faire hara-kiri*: Faire capotar volontariament lo sieu projècte, lo sieu afaire, etc.

**haschish** n.m. Ashish.

**hawaiian, a** adj. e n. D'Hawaii.

**He** Simbòle de l'eli.

**henry** n.m. Unitat de mesura d'inductança electrica (simb. H) equivalent à l'inductança d'un circuit claus dins lo quau una foarça electromotritz de 1 vòlt es producha quora lo corrent electric que percorre lo circuit varia uniformament à rason de 1 ampèr per segonda.

**hèrtz** n.m. Unitat de mesura de frequença (simb. Hz), frequença d'un fenomène periodic que lo sieu periòde es de 1.

**hertzian, a** adj. (telecom.) 1. Si di dei ondas e dei fenomènes electromagnetics. Sin.: **radioelectric**. 2. Qu'emplega d'ondas hertziani: *Una ret hertziana, una television hertziana*.

**Hf** Simbòle de l'afni.

**Hg** Simbòle dau mercuri.

**hindostānī** n.m. Indostani.

**hinterland** n.m. (geogr.) Rèire-país. ◇ (espec.) *Hinterland d'un poart, d'una via navigabla*: Zòna que dessièrve.

**hip-hòp** n.m. Movement artistic naissut au començament dei annadas 1970 dins lo Bronx e que

recampa lo graffiti, lo break-dancing, lo DJing, lo beat-boxing e lo rap.

**hippie** adj. e n. Adèpte d'una etica fondada sobre la non-violença e l'ostilitat à la societat industrialia, e que recomanda la libertat dins toi lu camps (Lo movement nasquèt à San Francisco dins li annadas 1960 e s'espandissèt en Euròpa dins li annadas 1970). Var.: **hippy**.

**hippy** adj. e n. Hippie.

**hitlerian, a** adj. Relatiu à la doctrina d'Hitler, au regime politic que metèt en plaça; partidari d'aquela doctrina, d'aqueu regime. Var.: **itlerian**.

**hitlerisme** n.m. Doctrina d'Hitler, nacional-socialisme. Var.: **itlerisme**.

**hl** Simbòle de l'ectolitre.

**hm** Simbòle de l'ectomètre.

**Ho** Simbòle de l'òlmi.

**hondurenc, a** adj. e n. D'Honduras.

**honoris causa** loc. adj. Si di de grades universitaris autrejats à de personalitats à títol onorific e sensa examèn.

**hutó** adj. e n. (dei doi genres) Dau grope etnic majoritari au Burundí e au Rwandà.

**Hz** Simbòle dau hèrtz.